

# Sálma 140

Hearrá, beastte mu bahás olbmui,  
gáhtte mu veahkaválddálaččain, geat hutket  
baháid váimmusteaset ja geat juohke beavvi hástalit riidui.  
Sii leat sadján njuokčameaset dego gearbmašat,  
sis lea gearbmašmirko baksamiid vuolde. Sela  
Várjal mu, Hearrá, ipmilmeahttumiid gieđain,  
gáhtte mu veahkaválddálaččain guđet áinnas jorralahtášedje mu.  
Čeavlás olbmot bidjet gielaid mu ovdii,  
suohpáheamit njulgejit fierpm ja čatnet gielaid mu ovdii bálgá mielde.

Sela

Mun dajan Hearrái: Don leat mu lpmil, guldal mu njuoras rohkosa.  
Hearrá, mu Hearrá, mu veagalaš beasti, don várjalat mu oaivvi soađi  
beavvi.

Hearrá, ale divtte ipmilmeahttuma oažžut dan maid son sávvá,  
ale divtte su áigumušaid ovdánit.

Sela

Sii guđet čoagganit mu lusa, loktejit oaivvi,  
divtte baháid maid sii sárdnot,  
deaividit sin iežaset.

Divtte áhcagas hilaid gahčadit sin ala,  
divtte sin gahččat rokkiide gos eai beasa bajás.  
Olmái geas lea bahás njuovčča, ii oaččo eallit eatnamis.  
Oasehisvuohta čuvvos veahkaválddálaččaid,  
ja deaividehkuset sin huškkastagat huškkastagaid manjis.  
Mun dieđán ahte Hearrá doaimmaha vártnuhemiid ášši  
ja veahkeha váivvášiid vuoigatvuhtii.

Vanhurskásat rámidit du nama, vuoigatlaččat besset ássat  
du muođuid ovddas.